

Baibulo ya ana
Ikupasilani



Kuyambika kwa
Mpingo



Yolembedwa ndi: Edward Hughes

Yojambulidwa ndi: Janie Forest
Alastair Paterson

Yotengedwa ndi: Ruth Klassen

Yotathauzidwa ndi: Tapiwa Maraira

Yo pangidwa ndi: Bible for Children
www.M1914.org


©2022 Bible for Children, Inc.

Chilolezo: Muli ndi ufulu wotenga ndi kuchurukitsa
makopewa koma osagulitsa.



Yesu atamwalira, otsatira ake amene
anachita mantha anabisala. Yesu atauka kwa
akufa, anadzionetsa kwa ophunzira ake.
Yesu anali moyo! Koma Yesu anakonza
zowasiya ndi kubwerera Kumwamba kumene
ankakhala nthawi zonse ndi Mulungu,
Atate wake.





Asananyamuke,
Yesu
analonjeza
otsatira
ake kuti
adzatumiza
Mzimu wa
Mulungu
kuti ukhale
Mtonthozi ndi
Wothandizira. (Yohane 15:26)
Nthawi inali pafupi! Patapita
masiku angapo Yesu atachoka,
Mulungu Mzimu Woyera anadza.



Izo zinachitika motere. Otsatira a Yesu pafupifupi
120 anali kupemphera pamodzi m'nyumba.
Mwadzidzidzi, nyumbayo inadzazidwa ndi
mkokomo wa mphepo yamphamvu.



Lawi lamoto lopindika linali pa munthu aliyense.
Onse anadzazidwa ndi Mzimu Woyera - monga
momwe Yesu analonjezera!



M'misewu, otsatira a Yesu ankalankhula zinenero zimene sanaphunzirepo. Alendo amene anabwera ku Yerusalemu anamva ophunzira akulankhula za ntchito zodabwitsa za Mulungu m'zinenero zambiri. Alendowo anadabwa kwambiri. "Kodi izi zingatanthauze chiyani?" anafunsa. "Akhuta vinyo watsopano," ena akunyoza.



“Ichi ndi chimene chinanenedwa ndi mneneri Yoweli...” Kenako Peturo anawakumbutsa kuti zaka zambiri m’mbuyomo, Mulungu analonjeza kuti mzimu woyera udzabwera kudzadalitsa ndi kuthandiza anthu.



Petro anauza anthuwo kuti atembenuke ku machimo awo ndi kubatizidwa m'dzina la Yesu Khristu.

"...ndipo mudzalandira mphatso ya Mzimu Woyera," anatero Petro. Anthu pafupifupi 3000 anamvera. Iwo anagwirizana ndi ophunzirawo monga olambira

Yesu. M'kupita kwa nthawi, anthu ochulukirachulukira anawonjezeredwa ku mpingo umene Mulungu anayambitsa tsiku limene mzimu woyera unabwera.

A stylized illustration of a large crowd of people, represented by grey silhouettes of heads and shoulders, arranged in rows. The crowd is positioned behind a large, light grey rectangular block that contains the number 3000.

3000



Mzimu Woyera anabweretsa mphamvu
yake mu miyoyo ya anthu a Mulungu.
Ntsiku inango, Pedhru na Juwau
akwira pabodzi ku templo pa ndzidzi
wakuphembera. Munthu wopunduka
wopemphapempha anakhala panja
pa chipata cha kachisi.
Anapempha Petro ndi
Yohane ndalama.





Pamenepo Petro anati,
Siliva ndi golide ndiribe,
koma chimene ndiri
nacho ndikupatsa:
M'dzina la Yesu Khristu
Mnazarayo, nyamuka
nuyende. Ndipo
adamgwira dzanja
lamanja, namunyamutsa.
Ndipo iye adalumpha,
nayimilira, nayenda,
nalowa nawo m'kachisi,
nayenda, nalumpha,
nayamika Mulungu



Khamu lalikulu la anthu linasonkhana, likudabwa ndi
chozizwitsacho. Petro anawauza kuti ndi mphamvu
ya Mulungu, osati yake, imene inachiritsa munthu
wolumala uja.




Petulo atakumbutsa Ayuda amenewa kuti Mulungu
anaukitsa Yesu kwa akufa, atsogoleri a kachisi
mokwiya anagwira Petulo ndi Yohane n'kuwatsekera
m'ndende. Komabe, amuna
pafupifupi zikwi zisanu
5,000 anakhulupirira Yesu.



Tsiku lotsatira, Petro ndi Yohane anaima pamaso pa olamulira a Kachisi. "Mwachita izi ndi mphamvu yanji kapena ndi dzina lanji?" olamulira anafunsa. Podzazidwa ndi Mzimu Woyera, Petro anayankha molimba mtima. "...m'dzina la Yesu Khristu waku Nazareti, Amene inu munampachika, Amene Mulungu anamuukitsa kwa akufa, mwa Iye munthu uyu wayima pamaso



panu
wamphumphu."



Petro anapitiriza mopanda mantha, "...palibe dzina
lina pansi pa thambo la
kumwamba, lopatsidwa
mwa anthu, limene
tiyenera kupulumutsidwa
nalo." Posafuna kuti anthu
akhulupirire Yesu,
olamulirawo anaopseza
kwambiri Petulo ndi
Yohane. "Kuyambira
tsopano usalankhule
ndi munthu m'dzina
la Yesu."



Nthawi ina Petulo ankaopa
kuimira Yesu. Koma izo zinali

Mzimu
Woyera
usanabwere.



Tsopano palibe
amene akanatha
kumuopseza.
Petro ndi Yohane
anayankha kuti:
"Muweruza inu,
ngati n'koyenera
pamaso pa
Mulungu kumvera
inu kuposa
Mulungu. Pakuti
sitingathe kusiya
kulankhula zimene
tinazona ndi
kuzimva."



Atawaopsezanso
kwambiri,
olamulirawo
anamasula Petulo ndi
Yohane. Atumiki
olimba mtima a
Mulungu anauza
anzawo za ndende
ndi makhoti. Kenako
adachita msonkhano
waukulu wa mapemphero
ndi matamando. Apanso,
Mzimu Woyera wa Mulungu
unadzadza anthu ake ndi
mphamvu - ndipo mpingo
wakhanda unakula ndikukula.



Kuyambika kwa Mpingo

Nthano yochokera mu mau a Mulungu,
Baibulo,

opezeka mu

Machitidwe 1-4

"Polowela pa mau anu pamapasa kuwala."
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhululukileni machimo anu, azakukhululukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mmoyo mwanga ndikundi khululukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!
Johane 3:16

